

est discedere in alia omnia, ita, vt vniuersa illa odaria, quae nomen Anacreontis, auctore Stephano, inscriptum ostentarent, ingenio Teii senis, styloque, deberi contenderint, et, qui aliter sensissent, eos vllum verae, antiquaeque, venustatis, et pulchritudinis, gustum, iudiciuinque, habuisse negarint. Quam quidem sententiam defendere patrum nostrorum memoria, et propugnare, studuerunt omnibus modis Baxterus maxime, et Barnesius, ita, vt inuenerint in omnibus ciuitatibus humanis assensores, et laudatores, quam plurimos: 5 quo in numero nosmet ipsos fuisse nuper, ex iis, quae ea de re disputauimus in praefatiuncula ad editionem primam horum odariorum, intellegi ab omnibus potest. Quomodo enim iuuenis verecundus, qui carere se scientia Graecarum literarum idonea, iustaque iudicii subacti, et acris, grauitate, sciret, eam suscipere audaciam potuisset, vt oppugnaret sententiam, quam dixissent viri eiusmodi, quorum auctoritatem sequutos esse videret tot accuratae doctrinae, acutique ingenii, et iudicii subtilis, laude florentissimos homines? Sed quum collegissem vsu hoc in genere literarum maiorem; quum intellegere coepissem, non eam sententiam grauem iudicari debere, et veram, quae subscriptores, et approbatores, numeraret plurimos, verum hanc, quae confirmari reperiretur argumentis, et rationibus, maximis; quum instituissem pondus argumentorum sententiae cuiusque saepius mecum, et diligentius, examinare, atque expendere: vidi tandem, et perspexi, rationes eius sententiae, quam secundo loco pro-

5. Vid. Commentarii de libris nouis, qui inscribuntur *Bibl. raisonnée des ouvrages des Savans de l'Europe*, To. 8. P. 1. art. 4. p. 101. — 126.1 vbi vir quidam doctus factis facere Pauli dubitationibus co-

natus est. Conf. Clericus biblioth. sel. To. 11. p. 335. — 346., et Bodonius Prolegg. ad editionem horum carminum Parmensem p. 53. — 61.